

**Obilježavanje sedme godišnjice Oružanih snaga BiH -  
28.11.2012.**

- poštovani članu Predsjedništva Bosne i Hercegovine, gospodine Izetbegoviću,
- uvaženi poslanici i delegati Parlamenrane skupštine BiH
- gospodo ministri,
- uvažene ekselencije i vojno-diplomatski predstavnici,
- generali, oficiri, podoficiri i vojnici,
- pripadnici Ministarstva odbrane i Oružanih snaga,
- predstavnici vjerskih zajednica u BiH,
- predstavnici sredstava informisanja,
- dame i gospodo,

sa posebnim zadovoljstvom želim vas pozdraviti i izraziti zahvalnost što prisustvujete ovom događaju i na taj način sudjelujete u obilježavanju Dana Oružanih snaga Bosne i Hercegovine.

Ovom ceremonijom na simboličan način obilježavamo sedmu godišnjicu razvoja odbrambenih struktura Bosne i Hercegovine.

Spremnost i odlučnost da razvijamo jedinstvene profesionalne Oružane snage, organizovane, opremljene i obučene prema NATO standardima, sa veličinom i strukturom koja je u skladu sa odbrambenim potrebama i ekonomskom moći Bosne i Hercegovine,

su konkretan dokaz da je, uz tekovine kompromisa i konsenzusa, progres moguć i u Bosni i Hercegovini.

Upravo uspješna implementacija reformskih zakona u oblasti odbrane je to i potvrdila. Pored toga, implementacijom reformskih zakona trasiramo i put ka euroatlantskim integracijama, koje predstavljaju proces od značaja za prostor Jugoistočne Evrope, u cjelini.

Jednom, kada je ovakvo strateško opredjeljenje formulisano, ispravno je, smatram, raditi na način da se svi uslovi ispunjavaju u mogućim rokovima - uključujući i rješavanje statusa nepokretne vojne imovine.

Dame i gospodo

Prethodni period bio je karakterisan velikim brojem intenzivnih aktivnosti unutar i van Bosne i Hercegovine. Stoga je vrijedno prisjetiti se postignutih rezultata Oružanih snaga Bosne i Hercegovine u kojima je potvrđena organizovanost i obučenost prema NATO standardima.

Sasvim je sigurno da je za Oružane snage Bosne i Hercegovine 2012. godina bila godina pružanja pomoći civilnim strukturama. Dinamika, priroda i dimenzije tih aktivnosti su poznate u javnosti. Mnogi, ako ne svi ovdje prisutni, počev Predsjedništva BiH, kao vrhovne komande do komandi na taktičkom nivou, ste učestvovali u tim aktivnostima na različite načine.

Ja bih danas ovdje podjelio dva, za mene važna, a ukupno gledano korisna iskustva iz tih aktivnosti i rezultata Oružanih snaga – iskustvo planiranja i iskustvo saradnje.

Izazovi, posebno u situacijama prirodne i tehničke katastrofe, upućuju nas na potrebu planiranja i saradnje, Ministarstva odbrane i drugih organa uprave na svim nivoima vlasti u Bosni i Hercegovini. Evidentno je da interesi i polazne pozicije, bilo kojeg učesnika u procesu reagiranja na prirodne i druge katastrofe, nisu ponekad praćeni koordinirano i pravovremeno. Isto tako niti jedan problem i rješenje ne ignorišu u potpunosti zabrinutosti ili pozicije bilo kojeg učesnika u procesu. Dakle sasvim je sigurno da nema gubitnika u saradnji, kao što je sigurno da nema ni pojedinačnih pobjednika.

Bosna i Hercegovina je činjenicu o jedinstvu i nedjeljivosti međunarodnog mira i sigurnosti prepoznala, te je nastavkom angažiranja pripadnika Oružanih snaga BiH u misijama podrške miru u Afganistanu i DR Kongo, iskazano opredjeljenje BiH da, kao odgovorna članica međunarodne zajednice, želi i može pružiti doprinos zajedničkim naporima za uspostavu i očuvanje mira i stabilnosti u svijetu.

Poštovana gospodo,

Pred institucijama odbrane BiH u narednom periodu, u izrazito kompleksnom okviru uslijed ekonomskih kretanja koji karakteriziraju situaciju u svijetu, pa i u našoj državi, predstoje brojni izazovi.

Očekujemo i dalje dobru saradnju, podršku i puni angažman svih institucija BiH.

Ispunjavanjem zakonskih obaveza i dodijeljenih zadataka dat ćemo puni doprinos jačanju odbrambenog sistema BiH, doprinijeti ispunjavanju državnih obaveza i ciljeva u oblasti odbrane, te doprinijeti jačanju ugleda institucija odbrane.

Svjesni trebamo biti naših vrijednosti, ali i nedostataka, koje trebamo otkloniti, jer samo tako se potvrđujemo u kvalitetnim odgovorima na sve kompleksnije odbrambene izazove i rizike.

Realizacija predstojećih zadataka zahtijeva puni angažman i doprinos svih struktura i pojedinaca u odbrambenom sistemu BiH zasnovan na **PROFESIONALIZMU**.

Poštovana gospodo,

Koristim ovu priliku da se zahvalim:

- članovima Predsjedništva BiH, članovima Parlamentarne skupštine BiH i članovima Zajedničke komisije za odbranu i sigurnost, Predsjedavajućem Vijeća ministara i ministrima u Vijeću ministara i vladama entiteta
- vama, diplomatskim i vojnim predstavnicima u Bosni i Hercegovini
- NATO Brisel i NATO štabu Sarajevo,
- komandi EUFOR

- Misija OSCE u BiH, UNDP,
- Medijima i svim onima koji na iskren način podržavaju naše napore

Gospodo vojnici, podoficiri, oficir i civilna lica na službi u Oružanim snagama Bosne i Hercegovine

Svima vama kao i vašim porodicama želim dobro zdravlje i uspjeh u karijerama, uz poziv da u novim okolnostima i u dobroj volji nastavimo sa radom.

**SRETAN PRAZNIK!**